

A: MACHNAMH

Beidh tú ag féachaint ar ball ar mhír faoin gcéad lá oibre a bhí ag an Uachtarán Connolly. Bí ag obair leis an duine in aice leat agus pléigí na ceisteanna thíos le chéile.

1. Cad a cheapann tú faoin uachtarán nua?
2. Cén ról atá ag Uachtarán na hÉireann?
3. An bhfuil sé tábhachtach, dar leat, go bhfuil Gaeilge ag an Uachtarán? Cén fáth?
4. Cá ndeachaigh Catherine Connolly ar cuairt ar a céad lá oibre, dar leat?
5. Dá mbeifeá féin i d'Uachtarán, cad iad na háiteanna a dtabharfá cuairt orthu ar an gcéad lá? Cén fáth?



B: FOCLÓIR

1. Beidh na focail thíos le cloisteáil sa mhír ar ball. An féidir leat na leaganacha Gaeilge a aimsiú anois sula bhféachfaidh tú ar an mír? Bain úsáid as www.focloir.ie chun cuidiú leat, más gá.

| | |
|----------------------------------------|--|
| a) <i>she was warmly welcomed</i> | |
| b) <i>confirmed</i> | |
| c) <i>to promote the language</i> | |
| d) <i>to be the focus of attention</i> | |
| e) <i>during her presidential term</i> | |
| f) <i>excited</i> | |
| g) <i>official engagement</i> | |
| h) <i>Rome wasn't built in a day</i> | |
| i) <i>while</i> | |
| j) <i>sign, gesture</i> | |
| k) <i>recognition</i> | |

2. Féach ar an mír den chéad uair agus aimsigh na focail thuas inti. An raibh na focail chéanna agat féin? _____

3. Cuir an focal 'Gael' roimh na focail thíos. Cad is brí leo?

scoil: _____ oideachas: _____ coláiste: _____

C: TUISCINT

Féach ar an mír arís agus freagair na ceisteanna.

1. Cé acu ráiteas **nach bhfuil** fíor?

- a) Thug Catherine Connolly a céad turas poiblí ar Ghaelscoil in Inse Chór.
- b) Dúirt sí go dtacódh sí leis an nGaeilge.
- c) Chuir an príomhoide, Máire Uí Cheallaigh, fáilte roimpi.

2. Cad a léirigh an tUachtarán trí chuairt a thabhairt ar Ghaelscoil?

3. Luaigh roinnt de na hullmhúcháin a rinne na daltaí agus an tslí ar mhothaigh siad faoin gcuairt?

4. Céard a rinne an tUachtarán leis na daltaí óga?

5. Cad iad na bronntanais a bronnadh ar Catherine Connolly?

6. Cad a dúirt an tUachtarán í féin sa mhír?

7. Dúirt Colm Ó Nualláin go dtabharfadh an tUachtarán cuairt ar gach Gaelscoil sa tír.

Fíor

Bréagach



E: CUMARSÁID

1: Caint

Bígí ag obair i ngrúpaí.

- Samhlaígí go mbeidh Catherine Connolly ag tabhairt cuairt ar bhur scoil (nó bhur n-eagraíocht nó bhur gcomhlacht) féin. Cuirigí sceideal le chéile agus socraígí eadraibh féin cad a dhéanfaidh sibh léi. Caithfidh go mbeidh seisiún ceisteanna agaibh leis an Uachtarán mar chuid den sceideal. Pléigí na ceisteanna le chéile.
 - Cén t-am a thiocfaidh sí?
 - An dtabharfaidh sí cuairt ar gach rang / duine?
 - Conas a mhaiseoidh sibh an áit?
 - An mbeidh ceolchoirm nó dráma nó seó nó taispeántas éigin ann?
 - Cén bronntanas a thabharfaidh sibh di agus cé a bhronnfaidh an bronntanas uirthi?
 - Cathain a bheidh an seisiún ceisteanna agaibh?



- Anois, cumaigí deich gceist a chuirfidh sibh ar an Uachtarán.

2: Scríobh

Roghnaíodh thusa chun fáilte a chur roimh an Uachtarán agus chun í a chur i láthair na scoile. Scríobh an méid a déarfaidh tú.

| |
|--------------|
| A Uachtarán, |
| |
| |
| |
| |
| |
| |
| |
| |

AN SCRIPT

Siún Nic Gearailt

Bhuel, faoi mar a chualamar ansin, bhí lá gnóthach ag an Uachtarán go dtí seo. Maidin inniu, thug an tUachtarán Catherine Connolly a céad turas poiblí ar Ghaelscoil in Inse Chór i mBaile Átha Cliath. Cuireadh fáilte Uí Cheallaigh roimpi agus a fear céile, Brian. Dheimhnigh sí go gcuirfidh sí an teanga chun cinn agus go mbeidh an Ghaolainn¹ i lár an aonaigh le linn a tréimhse uachtaránachta.

Máire Ní Bhraonáin

Bhí daltaí Ghaelscoil Inse Chór ar bís agus iad ag cur fáilte roimh an Uachtarán Catherine Connolly agus a fear céile, Brian. Léirigh an tUachtarán a tiomantas agus a grá don Ghaeilge nuair a shocraigh sí teacht chuig Gaelscoil Inse Chór dá céad choinne oifigiúil.

Maggie Ní Mhadaoin, Rang a Dó

“Bhí sé spráíúil.”

“Céard a rinne tú?”

“Bhí mé ag déanamh ealaíne i gcomhair Catherine Connolly: bhí muid ag dathú isteach.”

Donnacha Ó Brolcháin, Rang a Ceathair

Agus an raibh sceitimíní ar na daltaí ar fad nó an raibh gach duine ciúin?

Bhí sceitimíní ar gach duine sa rang agus bhí muid ag déanamh ealaín ana-dheas² i gcomhair ár nUachtarán.

Máire Ní Bhraonáin

De réir a chéile a thógtar na caisleáin agus bhí na daltaí i nGaelscoil Inse Chór i mbun oibre ar maidin. Bhí greim le hithe ag an Uachtarán Connolly agus deis aici roinnt siopadóireachta a dhéanamh fiú. Bhailigh tuismitheoirí agus daltaí na scoile le chéile sa halla mór le fáilte chroíúil a chur roimh an Uachtarán.

Maisy Ní Mhadaoin, Rang a Trí

“Agus céard a cheap tú faoin Uachtarán Connolly inniu?”

“Tá sí an-deas agus tá sí an-chineálta freisin.”

Máire Ní Bhraonáin

Bhronn Tadhg, an dalta is óige sa scoil, camán ar an Uachtarán agus thug Mila, an dalta is sine sa scoil, bláthanna di.

An tUachtarán Catherine Connolly

A fhad is atá mé mar Uachtarán, déanfaidh mé mo dhícheall an Ghaeilge a chur chun cinn ar gach leibhéal.

Máire Ní Bhraonáin

Lá an-suntasach a bhí ann don Ghaeloideachas.

Colm Ó Nualláin, Príomhoide Ghaelscoil Inse Chór

Ceapaim gur comhartha iontach é gur roghnaíodh Gaelscoil. Is í Gaelscoil Inse Chór atá ann ar maidin, ach mhothaigh mé féin gur thug sí cuairt ar gach Gaelscoil sa tír, gach Gaelcholáiste sa tír agus thug sí aitheantas don obair atá ar siúl sna Gaelscoileanna sin.

Máire Ní Bhraonáin

Ócáid álainn a bhí i nGaelscoil Inse Chór agus tús Gaelach, bródúil agus bríomhar curtha ag an Uachtarán lena haistear.

Máire Ní Bhraonáin, Nuacht TG4.

¹ Gaolainn = leagan canúnach de ‘Gaeilge’

² an-deas a scríobhtar sa Chaighdeán Oifigiúil

NÓTAÍ & FREAGRAÍ

A: MACHNAMH

Cleachtadh gearr cainte é seo chun tús a chur le rang bríomhar ina mbeidh na foghlaimeoirí ag féachaint ar mhír nuachta, ag déanamh cleachtaí cluastuisceana agus ag comhrá faoi thopaic a bhaineann leis an mír ansin. Tabhair tamall do na foghlaimeoirí na ceisteanna a phlé ina mbeirteanna ar dtús sula bpléifidh tusa na ceisteanna leis an rang iomlán.

B: FOCLÓIR

1. Freagraí:

| | |
|------------------------------------------|-------------------------------------------------|
| <i>she was warmly welcomed</i> | cuireadh fáilte Uí Cheallaigh / chroíúil roimpi |
| <i>confirmed</i> | dheimhnigh |
| <i>to promote the language</i> | an teanga a chur chun cinn |
| <i>to be the focus of attention</i> | a bheith i lár an aonaigh |
| <i>during her presidential term/time</i> | le linn a tréimhse uachtaránachta |
| <i>excited</i> | ar bís |
| <i>official engagement</i> | coinne oifigiúil |
| <i>Rome wasn't built in a day</i> | de réir a chéile a thógtar na caisleáin |
| <i>while</i> | a fhad is a |
| <i>sign, gesture</i> | comhartha |
| <i>recognition</i> | aitheantas |

2. Déan plé ar na focail a bhí acu féin. B'fhéidir go raibh leagan eile acu de na focail.

3. Freagraí:

Gaelscoil: *Irish-medium school*

Gaeloideachas: *Irish-medium education*

Gaelcholaíste: *Irish-medium college (secondary school)*

C: TUISCINT

Féach ar an script.

D: FEASACHT TEANGA

1: Cruinneas gramadaí (Eagarthóireacht)

Freagraí:

| Uimhir na líne | An leagan mícheart | An leagan ceartaithe |
|----------------|----------------------------|-----------------------------|
| 1 | ag an tUachtarán | ag an Uachtarán |
| 2 | a fear chéile | a fear céile |
| 3 | a tréimhse uachtaranachta | a tréimhse uachtaránachta |
| 4 | daltaí Gaelscoil Inse Chór | daltaí Ghaelscoil Inse Chór |
| 5 | don Gaeilge | don Ghaeilge |
| 6 | a dhéanadh | a dhéanamh |
| 7 | daltaí na scoil | daltaí na scoile |

| | | |
|----|----------------------|------------------|
| 8 | don Uachtarán | ar an Uachtarán |
| 9 | an-shuntasach | an-suntasach |
| 10 | Ba Gaelscoil | Ba Ghaelscoil |
| 11 | ar an obair | don obair |
| 12 | lena aistear | lena haistear |

2: Saibhreas teanga (Cúpla seanfhocal)

Is ar scáth a chéile a mhaireann na daoine.
Bíonn siúlach scéalach.
Filleann an feall ar an bhfeallaire.

*No man is an island.
Travel broadens the mind.
What goes around comes around.*

E. CUMARSÁID

1: Caint

1. Caithfidh siad cuairt an Uachtaráin ar a scoil féin a eagrú. Tá na ceisteanna ann chun cuidiú leo.
2. Caithfidh siad a bheith ag comhoibriú chun deich gceist a chumadh le cur ar an Uachtarán.

2: Scríobh

Iarr orthu óráid gearr a scríobh ag cur fáilte roimh an Uachtarán chun na scoile.